

ছাত্রলীগের দুই গ্রুপে আবারো সংঘর্ষ গুলি বোমা : আহত ৪

ইউনিভার্সিটি রিপোর্টার

ঢাকা ইউনিভার্সিটিতে ছাত্রলীগের দুই গ্রুপের মধ্যে আবারো ধাওয়া-পাল্টা ধাওয়া ও হামলার ঘটনা ঘটেছে। গতকাল চারুকলা ইন্সটিটিউটের সামনে এ ঘটনা ঘটে। এতে ছাত্রলীগের বিদ্রোহী গ্রুপের কমপক্ষে চারজন আহত হয়। তাদের মধ্যে মুফিজুর রহমান ঢালীর অবস্থা আশঙ্কাজনক। এ সময় সেখানে ফাকা গুলি ও বোমা বিস্ফোরণের ঘটনাও ঘটে। পুরো ক্যাম্পাসে শিক্ষার্থী ও পথচারীদের মধ্যে দেখা দেয় ব্যাপক আতঙ্ক।

প্রত্যক্ষদর্শীরা জানান, দুপুর সাড়ে ১২টায় বিদ্রোহী গ্রুপের নেতাকর্মীরা রোকেয়া হলের সাধারণ সম্পাদক সীমা ইসলামের ওপর হামলার প্রতিবাদে চিত্রাঙ্কন কর্মসূচি ও মৌন মিছিল করছিল। চারুকলা ইন্সটিটিউটের সীমার সহপাঠীরা এ কর্মসূচির আয়োজন করে। কর্মসূচি চলাকালে ছাত্রলীগের আন্তর্জাতিক বিষয়ক সম্পাদক সোহেল রানা মিঠুর নেতৃত্বে ২০-২৫ জন সশস্ত্র ক্যাডার চারুকলার সামনে আসে। তারা রড, চাপাতি, লাঠি দিয়ে বিদ্রোহী গ্রুপের কর্মীদের ওপর হামলা চালালে বিদ্রোহী গ্রুপও পাশ্টা হামলা করে। মিঠুর নেতৃত্বে ক্যাডাররা মুফিজুর রহমান ঢালীকে চাপাতি দিয়ে উপর্যুপরি কোপাতে থাকে। এতে তার মাথা ও হাত কেটে যায়। সংঘর্ষে আবদুর রহমান জীবন, জুয়েল ও সাঈদ নামে আরো তিনজন আহত হয়। ঢালীকে প্রথমে বঙ্গবন্ধু শেখ মুজিব মেডিক্যাল ইউনিভার্সিটি হাসপিটালে, পরে শমরিতা হাসপিটালে ভর্তি করা হয়। সংঘর্ষের সময় ঘটনাস্থলে বোমা বিস্ফোরণের ঘটনাও ঘটে। এর আগে মিঠু প্রকাশ্যে পিস্তল উঠিয়ে ফাকা গুলি করেছে বলে জানিয়েছে প্রত্যক্ষদর্শীরা।

এ ঘটনায় ক্যাম্পাস জুড়ে উত্তেজনা ও আতঙ্ক ছড়িয়ে পড়ে। শাহবাগ থেকে টিএসসি পর্যন্ত যান চলাচল বন্ধ থাকে। পরে ক্যাম্পাসে বিপুল সংখ্যক পুলিশ মোতায়েন করা হয়। উল্লেখ্য, ছাত্রলীগের বর্তমান কমিটির বিরুদ্ধে

ছাত্রলীগের দুই গ্রুপে

(প্রথম পৃষ্ঠার পর)

বিদ্রোহীরা বেশ কিছু দিন ধরে প্রতিবাদ করছিল। এ নিয়ে রবিবার ক্যাম্পাসে দুই